

eman ta zabal zazu



Universidad
del País Vasco

Euskal Herriko
Unibertsitatea



INDARTU

Genero indarkeriak
prebenitzeko programa
UPV/EHU

www.ehu.eus



AURKIBIDEA

| | |
|--|-----------|
| Sarrera | 4 |
| Helburuak | 6 |
| Parte hartzaileak | 7 |
| Edukiak | 7 |
| Metodologia | 8 |
| Esku hartzearen urratsak | 8 |
| Ebaluazio eta akreditazio prozedura | 11 |

Sarrera

2017ko maiatzean, Berdintasun Zuzendaritzaren ekime-
nez, hogeita hamar pertso-
nako lantalde misto bat sortu
zen, UPV/EHUko Emaku-
meen eta Gizonen Berdin-
tasunerako II. Planeko 3.3.2
ekintza betetzeko. Lantal-
deko kide gehienak uniber-
tsitatekoak ziren (ikasleak,
IRIak, AZPkoak eta ordez-
kari sindikalak), eta, gaine-
ra, bi aditu ere bazeuden,
genero indarkeriei buruzko
esku hartzearen arlokoak.
Lantaldeko irakasleetako ba-
tzuk parte hartzen ari ziren
Europako ikerketa proiektu
batean, unibertsitate-
tako sexu indarkerien ingu-
ruan. Lan taldearen helburu

nagusia zen Genero Indarke-
rien Aurkako UPV/EHUren
Protokoloa egitea. Urtebete-
ko lanaren ostean, lantaldeak
protokoloa amaitu zuen, eta
Gobernu Kontseiluak onartu
zuen 2018ko ekainaren 7an.

Protokoloaren Atarikoan esa-
ten denez, *unibertsitate-
aren helburua da unibertsita-
tean giro segurua mantentzea
eta sustatzea UPV/EHU osa-
tzen duten pertsona guztien-
tzat, genero indarkerietatik at.*
Era berean, azpimarratzen da
*unibertsitateak ez du[ela] ge-
nero indarkerien inongo adie-
razpenik onartuko eta bere
esku dauden neurri guztiak
hartuko ditu[ela] jarrera eta*

portaera horiei aurre egiteko. UPV/EHUrentzat genero indarkerien eremuan sartzen diren jarrerak eraso egiten diote pertsonen berdintasun eskubideari eta osotasun fisikoari, psikikoari eta duintasunari. Protokoloaren bidez, unibertsitateak konpromisoa hartzen du jarrera horiek prebenitzeko eta horiei irmo eta sendo aurre egiteko.

Horretarako, Protokoloak biltzen ditu bai prebentzio neurriak eta bai indarkeria kasuak gertatzen direnean jarraitu beharreko prozedura. Zehazki, prebentzio neurrien helburua da genero indarkeriazko ekintzak gerta daitezela eragozte, eta horretarako *unibertsitateko kideak informatzeko, sentsibilizatze, trebatzeko eta prestatzeko estrategiak* diseinatu eta ezartzen ditu. Neurri horiek genero berdintasun eta aniztasunarekiko eta sexu orientazioare-

kiko errespetuaren kultura sustatu behar dute, baita barne hartzailea eta indarkeriarik gabekoa izango den giroa sortu ere.

Testuinguru honetan aurkezten dugu esku hartze psikosozialerako **«INDARTU» PROGRAMA**, UPV/EHUko andrezko ikasle gazteekin gauzatzekoa. **Lehen edizio pilotu bat egitea** proposatzen dugu, Bizkaiko Campusean, 2018/19 ikasturteko bigarren lau hilkekoan, hainbat ikastegitako bigarren mailako emakumeekin, jakintza adar desberdinetako ikasleak harremanetan jar daitezzen, etorkizunean genero indarkerien kontrako ikasleen sare bat sortzeari begira. Edizio pilotu honetan *bi talde* eratuko dira: bata gaztelaniaz eta bestea euskaraz. Talde bakoitzak 15 kide izango ditu, ikastegi desberdinetakoak eta denak ere bigarren mailakoak.

Helburuak

Programaren **helburu nagusia** da emakumezko ikasle gazteak ahalduntzeko prozesu bat abian jartzea, genero indarkeriak prebenitzeko estrategia gisa.

Helburu espezifikoak hiru mailatan zehaztu dira: norbanakoari begira, testuinguruari begira eta aktibismoari begira.

Norbanakoa

- Norbere buruarekiko (gorputzarekiko, plazerarekiko) jarrerak ulertzen laguntzea.
- Norbere buruarekiko jarrera positiboa eta autozaintza sustatzea ahalduntze ikuspegi batetik.

Testuingurua

- Genero indarkerien sustrai, forma eta funtzioen berri ematea.
- Mikromatxismoak eta indarkeria larriagoak identifikatzea egunerokoan.
- Baliabide pertsonal eta kolektiboak eskaintzea eguneroko egoera matxistak gainditzeko.
- Ahizpatasuna sustatu eta indartzea parte hartzaileen artean.

Aktibismo Feminista

- Ikasleen parte hartze soziopolitiko feminista aktibatu eta handitzea, hau da, jarduera eta talde feministen sorrera sustatzea eta ikasleak halakoetan parte hartzera bultzatzea. Bereziki, sustatzea ikasleen sare autokudeatu baten eraketa unibertsitateko genero indarkerien kontra borrokatzeko.

Parte hartzaileak

Programa emakumeei bakarrik zuzendua dago, espazio seguru eta ahalduzkoa sortze aldera. Bi talde eratuko dira, bakoitza 15 kidekoa gehienez. Talde bat gaztelaniazkoa izango da eta bestea euskarazkoa. Parte hartzaileak 2. mailakoak izan beharko dira, 1. mailakoek oraindik ere denbora behar dutelako

unibertsitateko dinamikak, espazioak eta abar ezagutu eta bereganatzeko. Gainera, programaren xedeetako bat bada ikasleen artean sortzea unibertsitatean eragina izan dezakeen sare bat, beharrezkoa da programa egiten duten ikasleek oraindik amaitu barik izatea unibertsitateko ibilbidea.

Edukiak

Proposatzen diren edukiak hiru bloke tematikotan banatuta daude: **Sexualitateak** (nolako sexualitateak errepresentatzen gaitu gure gizartean? Noraino dauzkagu barneratuak sexu arauak? Zelan bizi dugu gure sexualitatea?), **Genero indarkeriak** (zer dira genero indarkeriak? Nortzuei eragiten digu eta zelan? Identifikatzen al ditugu eguneroko bizitzako mikromatxismoak? Zer-nolako bikote harremanak eraikitzen ditugu?) eta **Baliabideak** (zer egin dezakegu indarkeria egoera baten aurrean? Zer baliabide eskaintzen digute erakundeek? Zelan antola gaitzke eraso bati erantzuteko? Zer egin dezakegu unibertsitatea espazio segurua izan dadin guretzat?

Sexualitateak

Sexualitatearen eredu hegemonikoa
Aniztasun sexuala
Moral sexual bikoitza

Indarkeriak

Indarkeria matxista
Indarkeria sexista
Genero indarkeria
Maitasun erromantikoa

Baliabideak

Baliabide pertsonalak
Baliabide kolektiboak
Baliabide instituzionalak

Metodologia

Pedagogia feministetan oinarritutako metodologia bat erabiliko da, non esperientziaren bidezko ikaskuntzaren garrantzia aitortzen den. Gainera, zaintzaren etika ere txertatuko da, zeinaren arabera pertsonak bere osoan hartzen diren aintzat, beren alderdi guztiekin —fisikoa, kognitiboa, emozionala eta soziala— eta bestelako bideak erabiltzen diren jakintza sortu eta transmititzeko (antzerkia, irakurketak, batzarrak eta abar).

Esku hartzearen urratsak

Aurkezpen bilera

Esku hartzeari ekin aurretik, bilera bat egingo da parte hartzaile guztiekin, programa aurkezteko, guztien artean erosotasun eta konplizitate giroa sortzeko, programatik zer espero dugun aztertzeko eta hasierako diagnostiko bat emango digun aurretest bat egiteko.

Programaren aplikazioa

Programak zortzi saio izango ditu, hiruna ordukoak, talde bakoitzarekin, hau da, talde bakoitzak 24 ordu beteko ditu guztira. Saioak otsaileko bigarren astetik apirileko lehen astera bitartean egingo dira, hots, astean saio bat egongo da.

Amaierako bilera

Bilera horren helburua izango da talde bakoitzean norberak bizi izandako prozesuaren berri ematea gainerako parte hartzaileei, eta ebaluazioa egitea.

Laburpen taula

| Aurkezpen bilera (2019ko otsaila) | Saioak (2019ko otsaila-apirila) | | | Amaierako bilera (2019ko apirila) |
|--|---|---|---|---|
| | Sexualitateak | Indarkeriak | Baliabideak | |
| Aurkezpena Espektatibak Aurretesta | 1. saioa Sexualitatearen eredu hegemonikoa | 4. saioa Indarkeria matxista | 7. saioa Baliabide instituzionalak | Ikasitakoak Ekintza planak Ebaluazioa Amaiera |
| | 2. saioa Aniztasun sexuala | 5. saioa Indarkeria sexista | 8. saioa Baliabide pertsonalak eta kolektiboak | |
| | 3. saioa Moral sexual bikoitza | 6. saioa Maitasun erromantikoa – Genero indarkeria | | |

Ebaluazio eta akreditazio prozedura

Ebaluazio kuantitatiboa eta kualitatiboa egingo da. Ebaluazio kuantitatiborako prozesuaren ebaluazioa eta emaitzen ebaluazioa egingo da parte hartzaile guztiekin. Programa amaitzean, arduradunak txosten batean jasoko ditu hala ebaluazio kuantitatiboa nola kualitatiboa.

Gainera, saio guztietara joan diren parte hartzaileei parte hartze ziurtagiria emango zaie, eta ECTS kreditu bat aitortuko zaie.

Egutegia

| Saioa | Data | Ordutegia | Tokia | Taldea |
|-------------------------|------------|-------------|--|--------------------|
| Aurkezpen bilera | 2019/02/06 | 15:30-18:30 | 7 gela, Liburutegi Nagusiko 1º solairua | A, B eta C taldeak |
| 1. Saioa | 2019/02/12 | 15:30-18:30 | 6A gela, Liburutegi Nagusiko 1º solairua (Leioa) | A taldea |
| | 2019/02/13 | 15:30-18:30 | 6A gela, Liburutegi Nagusiko 1º solairua (Leioa) | B taldea |
| | 2019/02/13 | 15:30-18:30 | 6C3.2 bilera gela, Liburutegi Nagusiko 6º solairua (Leioa) | C taldea |
| 2. Saioa | 2019/02/19 | 15:30-18:30 | 6A gela, Liburutegi Nagusiko 1º solairua (Leioa) | A taldea |
| | 2019/02/20 | 15:30-18:30 | 6A gela, Liburutegi Nagusiko 1º solairua (Leioa) | B taldea |
| | 2019/02/20 | 15:30-18:30 | 6C3.2 bilera gela, Liburutegi Nagusiko 6º solairua (Leioa) | C taldea |
| 3. Saioa | 2019/02/26 | 15:30-18:30 | 6A gela, Liburutegi Nagusiko 1º solairua (Leioa) | A taldea |
| | 2019/02/27 | 15:30-18:30 | 7 gela, Liburutegi Nagusiko 1º solairua | B taldea |
| | 2019/02/27 | 15:30-18:30 | 6C3.2 bilera gela, Liburutegi Nagusiko 6º solairua (Leioa) | C taldea |
| 4. Saioa | 2019/03/5 | 15:30-18:30 | 6A gela, Liburutegi Nagusiko 1º solairua (Leioa) | A taldea |
| | 2019/03/6 | 15:30-18:30 | 6A gela, Liburutegi Nagusiko 1º solairua (Leioa) | B taldea |
| | 2019/03/6 | 15:30-18:30 | 6C3.2 bilera gela, Liburutegi Nagusiko 6º solairua (Leioa) | C taldea |
| 5. Saioa | 2019/03/12 | 15:30-18:30 | 6B gela, Liburutegi Nagusiko 1º solairua (Leioa) | A taldea |
| | 2019/03/13 | 15:30-18:30 | 6A gela, Liburutegi Nagusiko 1º solairua (Leioa) | B taldea |
| | 2019/03/13 | 15:30-18:30 | 6C3.2 bilera gela, Liburutegi Nagusiko 6º solairua (Leioa) | C taldea |

| Saioa | Data | Orduetgia | Tokia | Taldea |
|-------------------------|------------|-------------|--|--------------------|
| 6. Saioa | 2019/03/20 | 15:30-18:30 | 6A gela, Liburutegi Nagusiko 1º solairua (Leioa) | A taldea |
| | 2019/03/20 | 15:30-18:30 | 6A gela, Liburutegi Nagusiko 1º solairua (Leioa) | B taldea |
| | 2019/03/21 | 15:30-18:30 | 6C3.2 bilera gela, Liburutegi Nagusiko 6º solairua (Leioa) | C taldea |
| 7. Saioa | 2019/03/26 | 15:30-18:30 | 6A gela, Liburutegi Nagusiko 1º solairua (Leioa) | A taldea |
| | 2019/03/27 | 15:30-18:30 | 6B gela, Liburutegi Nagusiko 1º solairua (Leioa) | B taldea |
| | 2019/03/27 | 15:30-18:30 | 6C3.2 bilera gela, Liburutegi Nagusiko 6º solairua (Leioa) | C taldea |
| 8. Saioa | 2019/04/2 | 15:30-18:30 | 6A gela, Liburutegi Nagusiko 1º solairua (Leioa) | A taldea |
| | 2019/04/3 | 15:30-18:30 | 7 gela, Liburutegi Nagusiko 1º solairua | B taldea |
| | 2019/04/3 | 15:30-18:30 | 6C3.2 bilera gela, Liburutegi Nagusiko 6º solairua (Leioa) | C taldea |
| Amaierako bilera | 2019/04/10 | 15:30-18:30 | 7 gela, Liburutegi Nagusiko 1º solairua | A, B eta C taldeak |

